

感
怀
类

1. 失志部

载 芟

载芟载柞，其耕泽泽。
千耦其耘，徂隰徂畛。
侯主侯伯，侯亚侯旅，
侯强侯以。有嘏其嘏。
思媚其妇，有依其土。
有略其耜，俶载南亩，
播厥百谷，实函斯活。
驿驿其达，有厌其杰。
厌厌其苗，绵绵其麋。
载获济济，有实其积，
万亿及秭。为酒为醴，
烝畀祖妣，以洽百礼。
有饗其香，邦家之光。
有椒其馨，胡考之宁。
匪且有且，匪今斯今。
振古如兹。

《诗经·周颂》

离 骚（节选）

悔相道之不察兮，
延伫乎吾将反。
回朕车以复路兮，
及行迷之未远。

步余马于兰皋兮，
驰椒丘且焉止息。
进不入以离尤兮，
退将复修吾初服。

制芰荷以为衣兮，
集芙蓉以为裳。
不吾知其亦已兮，
苟余情其信芳。

高余冠之岌岌兮，
长余佩之陆离。
芳与泽其杂糅兮，

唯昭质其犹未亏。

忽反顾以游目兮，

将往观乎四荒。

佩缤纷其繁饰兮，

芳菲菲其弥章！

民生各有所乐兮，

余独好修以为常。

虽体解吾犹未变兮，

岂余心之可惩！

战国·屈原《楚辞集注》

离骚（节选）

朝发轫于苍梧兮，

夕余至乎县圃。

欲少留此灵琐兮，

日忽忽其将暮。

吾令羲和弭节兮，

望崦嵫而勿迫。

路漫漫其修远兮，

吾将上下而求索。

饮余马于咸池兮，

总余轡乎扶桑。

折若木以拂日兮，

聊逍遥以相羊。

前望舒使先驱兮，

后飞廉使奔属。

鸾皇为余先戒兮，

雷师告余以未具。

吾令凤鸟飞腾兮，

继之以日夜。

飘风屯其相离兮，

帅云霓而来御。

纷总总其离合兮，

斑陆离其上下。

吾令帝阍开关兮，

倚阊阖而望予。

战国·屈原《楚辞集注》

涉江（节选）

乘鄂渚而反顾兮，

欸秋冬之绪风。

步余马兮山皋，

邸余车兮方林。

乘舸船余上沅兮，

齐吴榜以击汰。

船容与而不进兮，

淹回水而凝滞。

朝发枉渚兮，

夕宿辰阳。

苟余心之端直兮，

虽僻远其何伤？

战国·屈原《楚辞集注》

酬周参军

日暮忧人起，倚户怅无欢。
水传洞庭远，风送雁门寒。
江南霜雪重，相如衣服单。
沈云隐乔树，细雨灭层峦。
且当对樽酒，朱弦永夜弹。

梁·吴均《古诗源》

冬日伤志篇

昔时情游士，任性少矜裁。
朝驱玛瑙勒，夕衔熊耳杯；
折花步淇水，抚瑟望丛台。
繁华夙昔改，衰病一时来。
重以三冬月，愁云聚复开。
天高日色浅，林劲鸟声哀。
终风激檐宇，徐雪满条枚。
遨游昔宛洛，踟蹰今草莱。
时事方去矣，抚己独伤怀。

北齐·邢邵《全汉三国晋南北朝诗》

江上别流人

以我越乡客，逢君谪居者。
分飞黄鹤楼，流宕苍梧野。
骚使乘云去，征帆沿溜下。

不知从此分，还袂何时把。

唐·孟浩然《全唐诗》

叹白发

宿昔朱颜成暮齿，
须臾白发变垂髻。
一生几许伤心事，
不向空门何处销。

唐·王维《全唐诗》

初出济州别城中故人

微官易得罪，谪去济川阴。
执政方持法，明君照此心。
间阎河润上，井邑海云深。
纵有归来日，各愁年鬓侵。

唐·王维《全唐诗》

流夜郎至西塞驿寄裴隐

扬帆借天风，水驿苦不缓。
平明及西塞，已先投沙伴。
回峦引群峰，横蹙楚山断。
砮冲万壑会，震沓百川满。
龙怪潜溟波，侯时救炎旱。
我行望雷雨，安得沾枯散。
鸟去天路长，人愁春光短。
空将泽畔吟，寄尔江南管。

唐·李白《全唐诗》

流夜郎永华寺寄寻阳群官

朝别凌烟楼，贤豪满行舟。
暝投永华寺，宾散予独醉。
愿结九江流，添成万行泪。
写意寄庐岳，何当来此地。
天命有所悬，安得苦愁思。

唐·李白《全唐诗》

将进酒

君不见黄河之水天上来，
奔流到海不复回。
君不见高堂明镜悲白发，
朝如青丝暮成雪。
人生得意须尽欢，
莫使金樽空对月。
天生我才必有用，
千金散尽还复来。
烹羊宰牛且为乐，
会须一饮三百杯。
岑夫子，丹丘生，
将进酒，君莫停。
与君歌一曲，
请君为我侧耳听。
钟鼓馔玉不足贵，
但愿长醉不愿醒。
古来圣贤皆寂寞，

惟有饮者留其名。
陈王昔时宴平乐，
斗酒十千恣欢谑。
主人何为言少钱，
径须沽酒对君酌。
五花马，千金裘，
呼儿将出换美酒，
与尔同销万古愁。

唐·李白《全唐诗》

客堂秋夕

隔窗萤影灭复流，
北风微雨虚堂秋。
虫声竟夜引乡泪，
蟋蟀何知人自愁。
四时不得一日乐，
以此方悲客游恶。
寂寂江城无所闻，
梧桐叶上偏萧索。

草堂即事

荒村建子月，独树老夫家。
雪里江船渡，风前径竹斜。
寒鱼依密藻，宿鹭起圆沙。
浊酒^{林秋得}，
唐·戎昱《全唐诗》
王钱何处除。
唐·杜甫《全唐诗》

送薛八谪居

东水将孤客，南行路几千。
虹翻潮上雨，鸟落瘴中天。
谪去宁留恨；思归岂待年。
衔杯且一醉，别泪莫潸然。

唐·钱起《全唐诗》

咸阳西楼别窦审

西楼迥起寒原上，
霁日遥分万井间。
小苑城隅连渭水，
离宫曙色近京关。
亭皋寂寞伤孤客，
云雪萧条满众山。
时命如今犹未偶，
辞君拟欲拂衣还。

唐·郎士元《全唐诗》

过贾谊宅

一谪长沙地，
三年叹逐臣。
上书忧汉室，
作赋吊灵均。
旧宅秋荒草，
西风客荐蘋。

凄凉回首处，
不见洛阳人。

唐·戴叔伦《全唐诗》

月下呈章秀才

自古悲摇路，谁人奈此何。
夜蛩偏傍枕，寒鸟数移柯。
向老三年谪，当秋百感多。
家贫惟好月，空愧子猷过。

唐·刘长卿《全唐诗》

巡去岳阳却归鄂州 使院留别郑洵侍御 侍御先曾谪居此州

何事长沙谪，相逢楚水秋。
暮帆归夏口，寒雨对巴丘。
帝子椒浆奠，骚人木叶愁。
谁怜万里外，离别洞庭头。

唐·刘长卿《全唐诗》

重送裴郎中贬吉州

猿啼客散暮江头，
人自伤心水自流。
同作逐臣君更远，
青山万里一孤舟。

唐·刘长卿《全唐诗》

送迁客二首

(二)

流人何处去，万里向江洲。
孤驿瘴烟重，行人巴草秋。
上帆南去远，送雁北看愁。
遍问炎方客，无人得白头。

唐·于鹄《全唐诗》

失志夜坐思归楚江

夜学晓未休，苦吟神鬼愁。
如何不自闲，心与身为仇。
死辱片时痛，生辱长年羞。
清桂无直枝，碧江思旧游。

吴安西馆赠从弟楚客

蒙笼杨柳馆，中有南风生。
风生今为谁，湘客多远情。
孤枕楚水梦，独帆楚江程。
觉来残恨深，尚与归路并。
玉匣

唐·孟郊《全唐诗》-鸣。
唐·孟郊《全唐诗》

同白侍郎杏园赠刘郎中

一去潇湘头欲白，
今朝始见杏花春。
从来迁客应无数，
重到花前有几人。

唐·张籍《全唐诗》

从仕

居闲食不足，从仕力难任。
两事皆害性，一生恒苦心。
黄昏归私室，惆怅起叹音。
弃置人间世，古来非独今。

唐·韩愈《全唐诗》

谪居

面瘦头斑四十四，
远谪江洲为郡吏。
逢时弃置从才不，
未老衰羸为何事。
火烧寒涧松为烬，
霜降春林花委地。
遭时荣悴一时间，
岂是昭昭上天意。

唐·白居易《全唐诗》

惜落花赠崔二十四

漠漠纷纷不奈何，
狂风急雨两相和。
晚来怅望君知否？
枝上稀疏地上多。

唐·白居易《全唐诗》

种木槿花

上苑年年占物华，
飘零今日在天涯。
只因长作龙城守，
剩种庭前木槿花。

唐·柳宗元《全唐诗》

独夜伤怀赠呈张侍御

灯火孤星灭，残灯寸焰明。
竹风吹面冷，檐雪坠阶声。
寡鹤连天叫，寒雏彻夜惊。
只应张侍御，潜会我心情。

唐·元稹《全唐诗》

劝 醉

奚家能酿销愁酒，
但是愁人便与销。

愿我共君俱寂寞，
只应连夜复连朝。

唐·元稹《全唐诗》

赠李秀才

骨清年少眼如冰，
凤羽参差五色层。
天上麒麟时一下，
人间不独有徐陵。

唐·杜牧《全唐诗》

独 夜

新秋霁夜有清境，
穷檐病客无佳期。
生公把经向石说，
而我对月须人为。
独行独坐亦独酌，
独玩独吟还独悲。
古称独坐与独立，
若比群居终校奇。

唐·陆龟蒙《全唐诗》

寄南浦滴官

多才翻得罪，天未抱穷忧。
白首为迁客，青山绕万州。
醉欹梅障晓，歌厌竹枝秋。

望阙怀乡泪，荆江水共流。

唐·郑谷《全唐诗》

迁客

离夜闻横笛，可堪吹鹧鸪。
雪冤知早晚，雨泣渡江湖。
秋树吹黄叶，腊烟垂绿芜。
虞翻归有日，莫便哭穷途。

唐·郑谷《全唐诗》

赋得送贾岛谪长江

敲驴吟雪月，谪出国西门。
行傍长江影，愁深泪水魂。
筇携过竹寺，琴典在花村。
饥拾山松子，谁知贾傅孙。

唐·李洞《全唐诗》

夏州道中

陇雁南飞河水流，
秦城千里忍回头。
征行浑与求名背，
九月中旬往夏州。

唐·黄滔《全唐诗》

流崖州至鬼门关作

一去一万里，千知千不还。

崖州何处有，生度鬼门关。

唐·杨炎《全唐诗》

流合浦岭外作

瘴江西去火为山，
炎徼南穷鬼作关。
从此更投入境外，
生涯应在有无间。

唐·张均《全唐诗》

别滁

花光浓烂柳轻明，
酌酒花前送我行。
我亦且如常日醉，
莫教弦管作离声。

宋·欧阳修《宋诗钞》

唐崇徽公主手痕和韩内翰

故乡飞鸟尚啁啾，
何况悲笳出塞愁。
青冢埋魂知不返，
翠崖遗迹为谁留？
玉颜自古为身累，
肉食何人与国谋？
行路至今空叹息，
岩花涧草自春秋。

宋·欧阳修《宋诗钞》

江上

江水漾西风，
江花脱晚红。
离情被横笛，
吹过乱山东。

宋·王安石《宋诗钞》

江宁夹口五首

(三)

钟山咫尺被云埋，
何况南楼与北斋。
昨夜月明江上梦，
逆随潮水到秦淮。

(四)

日西江口落征帆，
却望城楼泪满衫。
从此梦归无别路，
破头山北北山南。

宋·王安石《王文公集》

醉落魄

醉醒醒醉。
凭君会取皆滋味。
浓斟琥珀香浮蚁。

一入愁肠，别有阳春意。

须将席幕为天地。
歌前起舞花前睡。
从他兀兀陶陶里。
犹胜醒醒，惹得闲憔悴。

宋·王仲甫《全宋词》

减字木兰花

贤哉令尹。
三仕已之无喜愠。
我独何人。
犹把虚名玷搢绅。

不如归去。
二顷良田无觅处。
归去来兮。
待有良田是几时。

宋·苏轼《全宋词》

如梦令

曾宴桃源深洞。
一曲舞鸾歌凤。
长记欲别时，和泪出门相送。
如梦。
如梦。
残月落花烟重。

宋·苏轼《全宋词》

南歌子

苒苒中秋过，萧萧两鬓华。
寓身化世一尘沙。
笑看潮来潮去、了生涯。
方士三山路，渔人一叶家。
早知身世两鬓牙。
好伴骑鲸公子、赋雄夸。

宋·苏轼《全宋词》

次韵太守向公登楼

眺望二首

（其一）

茫茫汝水抱城根，
野色偷春入烧痕。
千点湘妃枝上泪，
一声杜宇水边魂。
遥怜鸿隙陂穿路，
尚想元和贼负恩。
粉堞女墙都已尽，
恍如陶侃梦天门。

宋·秦观《宋诗钞》

以事走郊外示友

二十九年知已非

今年依旧壮心违。
黄尘满面人犹去，
红叶无言秋又归。
万里天寒鸿雁瘦，
千村岁暮鸟乌微。
往来屑屑君应笑，
要就南池照客衣。

宋·陈与义《宋诗钞》

得张正字书

送老茅屋低，天寒人迹稀。
一觞尤有味，万事已无机。
岁暮塔孤立，风生鸦乱飞。
此时张正字，书札到郊扉。

宋·陈与义《宋诗钞》

五更过无锡县寄怀

范参政、尤侍郎

苏州欲见石湖老，
到得苏州发更早。
锡山欲见尤梁溪，
过却锡山元不知。
起来灵岩在何许？
回首惠山亦何处。
人生万事不可期，
快然却向常州去。

宋·杨万里《宋诗钞》

齐天乐

白 发

秋风早入潘郎鬓，
斑斑遽惊如许。
暖雪侵梳，晴丝拂领，
栽满愁城深处。
瑶簪漫妒。
便羞插宫花，自怜衰暮。
尚想春情，旧吟凄断茂陵女。
人间公道惟此，叹朱颜也恁，
容易堕去。
涩了重璫，搔来更短，
方悔风流相误。
郎潜几缕。
渐疏了铜驼，俊游俦侣。
纵有黦黦，奈何诗思苦。

宋·史达祖《全宋词》

〔双调〕望江南

长欲语，欲语又蹉跎。
已是厌听夷甫颂，
不堪重省越人歌。
孤负水云多。

羞拂拂，懊恼自摩挲。
残烛不教人径去，

断云时有泪相和。
恨恨欲如何。

宋·刘辰翁《全宋词》

醉歌十首

（其三）

淮襄州郡尽归降，
鼙鼓喧天入古杭。
国母已无心听政，
书生空有泪成行。

（其四）

六宫宫女泪涟涟，
事主谁知不尽年。
太后传宣许降国，
伯颜丞相到帘前。

（其九）

南苑西宫棘露牙，
万年枝上乱啼鸦。
北人环立阑干曲，
手指红梅作杏花。

宋·汪元量《宋诗钞》

西台哭所思

残年哭知己，白日下荒台。
泪落吴江水，随潮到海回。

故衣犹染碧，后土不怜才。
未老山中客，惟应赋《八哀》。

宋·谢翱《宋诗钞》

水调歌头

平生太湖上，短棹几经过。
如今重到，何事愁与水云多。
拟把匣中长剑，
换取扁舟一叶，归去老渔蓑。
银艾非吾事，丘壑已蹉跎。

脍新鲈，斟美酒，起悲歌。
太平生长，岂谓今日识兵戈。
欲泻三江雪浪，
净洗胡尘千里，不用挽天河。
回首望霄汉，双泪堕清波。

宋·无名氏《全宋词》

汴京纪事二十首

（其二十）

辇毂繁华事可伤，
师师垂老过湖湘。
缕衣檀板无颜色，
一曲当时动帝王。

宋·刘子翥《宋诗钞》

谒荆公不遇

春江渺渺抱樯流，
烟草茸茸一片愁。
吹尽柳花人不见，
春旗催日下城头。

宋·方惟深《宋元诗会》

可 惜

日者今何及？天乎有不平！
功高人共嫉，事定我当烹。
父老俱呜咽，天王本圣明。
不愁唯党祸，携泪向孤城。

宋·丁开《宋元诗会》

建 业

谁遣凄凉满眼中？
蘋花渺渺又秋风。
龙蹲虎踞江山大，
马去牛来社稷空。
纵有千人惟诺诺，
本无百岁更匆匆。
乾坤颠倒孤舟在，
聊复残生伴钓翁。

宋·丁开《宋元诗会》

〔正宫〕倘秀才

这雨一阵阵打梧桐叶凋，
一点点滴人心碎了。
枉着金井银床紧围绕，
只好把泼枝叶做柴烧，锯倒。

元·白朴《梧桐雨》

长门怨

白露下玉除，风清月如练。
坐看池上萤，飞入昭阳殿。

明·刘基《明诗别裁集》

竹枝词

十二峰头秋草荒，
冷烟寒月过瞿塘。
青枫江上孤舟客，
不听猿声亦断肠。

明·何景明《明诗别裁集》

减字木兰花

重门深掩。
不道背人归去远。
倦燕娇莺。啼出阳关第四声。
含愁相问。

飘泊天涯何处定。
梦断罗帷。今夜明朝睡起迟。

清·尤侗《清名家词》

金缕曲二首

(一)

季子平安否？
便归来，平生万事、哪堪回首？
行路悠悠谁慰藉？
母老家贫子幼。
记不起，从前杯酒。
魑魅搏人应见惯，
总输他覆雨翻云手！
冰与雪，周旋久。

泪痕莫滴牛衣透。
数天涯，依然骨肉、几家能够？
比似红颜多命薄，
更不如今还有。
只绝塞，苦寒难受。
廿载包胥承一诺，
盼乌头马角终相救。
置此札，兄怀袖。

(二)

我亦飘零久。
十年来，深恩负尽，
死生师友。
宿昔齐名非忝窃，

试看杜陵消瘦，
曾不减，夜郎 僇 僇。
薄命长辞知己别，
问人生到此凄凉否？
千万恨，从君剖。
兄生辛未吾丁丑。
共此时，

冰霜摧折、早衰蒲柳。
词赋从今须少作，
留取神魂相守。
但愿得，河清人寿。
归日急翻行戍稿，
把空名料理传身后。
言不尽，观顿首。

清·顾贞观《清名家词》

2. 羁旅部

晚出新亭

大江一浩荡，离悲足几重？
潮落犹如盖，云昏不作峰。
远戍唯闻鼓，寒山但见松。
九十方称半，归途讵有踪？

陈·阴铿《全汉三国晋
南北朝诗》

东归在路率尔成咏

学宦两无成，归心自不平。
故乡尚千里，山秋猿夜鸣。
人愁惨云色，客意惯风声。
羁恨虽多绪，俱是一伤情。

隋·孙万寿《古诗源》

襄阳路逢寒食

去年寒食洞庭波，
今年寒食襄阳路。
不辞著处寻山水，
只畏还家落春暮。

唐·张说《全唐诗》

于塞北春日思归

我家吴会青山远，
他乡关塞白云深。
为许羁愁长下泪，
那堪春色更伤心。
惊鸟屡飞恒失侣，
落花一去不归林。
如何此日嗟迟暮，